

Mafundisho Ya Madhehebu

Sabato

Kwa muda kidogo tutaendelea na kujifunza kuhusu mafundisho ya madhehebu mbali mbali. Tutachunguza mafundisho yao na tujifunze jinsi ya kukomesha mafundisho yao. Kwasababu Biblia ni moja na Paulo alisema katika 1 Kor. 1:10, “Kwamba nyote mnene mamoja.” Na kama watu wa siku hizi hawaongei kama kitu kimoja ina maana tumegawanyika. Na Yesu ana mwili moja na mwili wake haukugawanyika kwa hiyo tunahitaji kujua ukweli na jinsi ya kufundisha ukweli. Kama unataka kufundisha ukweli basi unahitaji kujua mafundisho ya maadui wa Yesu Kristo. Yesu alisema katika Yoh. 14:15 na 15:14, kwamba sisi ni rafiki yake kama tunafuata maneno yake. Kwa hiyo kama watu hawafuati maneno yake inamaana hawana Mungu, 2 Yoh. 9, na kama hawana Mungu ina maana hao sio rafiki wa Mungu kwa hiyo ni Maadui. Kwa hiyo kwa juma hizi tutaangalia mafundisho ya madhehebu. Na kwa kujifunza mafundisho yao tutaona jinsi wanavyopinga Biblia na tutajua jinsi ya kuwakomesha hao watu.

Kwa sehemu ya kwanza tutaangalia mafundisho ya Madhehebu ya Sabato (Seventh-Day Adventists). Mwanzoni madhehebu haya hayakushika amri ya sabato. Mafundisho yao yalikuwa juu ya kurudi kwake Yesu kwa mara ya pili ili asimamishe ufalme wake. Kwa Kiingereza “kuja kwa pili” kunaitwa “the second adventists” na ndiyo maana kwa Kiingereza waamini hawa waliitwa “Adventists”. Lakini mwanzilishi wa Wasabato hakuwa na lengo la kuanzisha madhehebu. William Miller, Mmarekani na Mhubiri wa Kibaptisti alidai kwamba alichunguza sana maandiko ya unabii wa Biblia na akafikia wazo kwamba Yesu atarudi katika muda ule kuanza tarehe 12/3/1843 hadi 12/3/1844. Kwa hiyo Miller alifundisha sana kuhusu mawazo yake na watu wengi kutoka madhehebu mengi walianza kuamini kwamba Yesu atarudi katika siku zile. Na wengi wao waliuza mali yao na kuwapa maskini, ili wakijiandaa kumpokeo Bwana. Lakini kumbe Yesu hakufika, na William Miller alikiri kosa lake. Walakini viongozi wenzake kama Samuel Sheffied Snow na George Storrs walidai Yesu atakuja 22/10/1844, lakini wapi? Halafu katika mwaka wa 1852 F.H. Berick, Jonathan Cummings na wengine walitangaza kwamba Yesu aliwapa ufahamu wa juu na kwamba atakuja mwaka wa 1853 na 1854. Lakini Wapi? Yesu hakufika. Na ni ajabu watu waliendelea na kuwaamini na kutangaza tarehe baada ya tarehe.

Kwa hiyo mwanzo wa Madhehebu ya Sabato hawakuzumgumza hata kidogo kuhusu Sabato. Walikuwa kundi la watu ambayo walikua wanakisia tu kwamba Yesu atarudi lini. Sasa Biblia inasema na Yesu alisema nini kuhusu kurudi kwake mara ya pili? Katika Mat. 24:36, tunaona “Hakuna aijuaye, hata malaika walio mbinguni, wala Mwana”. Lakini wanzalishi wa Madhehebu ya Sabato walidai Yesu mwenyewe alimwambia kwamba atarudi katika mwaka wa 1853-1854. Sasa mwongo hapa ni nani? Yesu au Wasabato wale ambayo wanadai Yesu alimwambia kitu asingejua kwa sababu Baba tu aliwe mbinguni anafahamu. Tena Yesu alisema katika Mat. 24:23, “Wakati huo mtu akiwambia, Tazama, Kristo yupo hapa, au yuko kule, msisadiki.” Sasa Wasabato walisema mara nyinigi Yesu atakuja, atakuja, atakuja lakini Je! Amefika? Hapana! Sasa tusiamini hawa watu. Madhehebu ya Sabato yalianzishwa na uongo wa hali ya juu. Na

sio uongo mmoja lakini waliendelea na kudanganya watu mara nyingi. Sasa tudanganywe mara ngapi na Wasabato?

Na miongoni mwa waamini hawa lilitokea kundi dogo la watu walioanza kushika siku ya sabato. Waliyojulikana hasa walikuwa Joseph Bates, James White, Ellen G. White, Hiram Edson, Fredrick Wheeler na S. W. Rhodes. Katika hawa aliyejitokeza zaidi alikuwa mwanamke Ellen G. White. Alidai kwamba Mungu amempa maono na kumfanya awe nabii kusudi awafundishe watu neno la Mungu. Alisisitiza sana habari ya sabato akisema ni lazima Wakristo waishike. Basi, madhehebu yalipata jina lake kutokanan na mkazo wa kushika sabato na mafundisho kuhusu kurudi kwa Yesu.

Na muda huo ulithibitisha vya kutosha kwamba Yesu hakurudi katika mwaka wa 1843, 1844, 1852, 1853 na 1854. Tunaona kwa wazi mafundisho yao ya awali yalikuwa mafundisho ya uongo. Sasa tuaminije kwamba mafundisho yao kuhusu sabato ni kweli. Wakati walikuwa wanadanganya watu kwa miaka mingi tu. Watu wengi sana hapa ulimwenguni walipata shida kwa sababu ya Madhehebu ya Sabato. Watu maelfu waliuza mali yao yote na kusubili Yesu lakini wakati hakufika wengi walitaka kufa na njaa. Je! Yesu alikuja ili watu wafe na njaa? Hapana. 1 Yoh. 4:1, inatufundisha sisi tujaribu kila roho tuone kama wametokana na Mungu. Kama wametokana na Mungu wataongea ukweli kwa kila jambo. Lakini jamani, leo ni mwaka 2000 na tupo hapa hapa tu. Yesu hakufika, kwa hiyo hawa watu ni waongo kutoka mwanzo wa madhehebu yao, tutaaminije hawa tena? Hatuwezi!

Sasa Madhehebu ya Sabato wanafundisha: Yesu aliondoa Agano La Kale na Torati lakini hakuondoa amri kumi, tushike sabato, amri kumi zilitolewa kwa watu wote, kuna tofauti kati ya “sheria ya Musa” na “sheria ya Mungu”, Kristo aliaanza kufuta dhambi zetu katika tarehe 22/10/ 1844 wakati aliingia Patakatifu pa Patakatifu, Yesu ataweka dhambi juu ya Shetani, Ataosha miguu kabla ya meza ya Bwana, Ellen G. White alikua nabii, Hatuwezi kuishi bila amri kumi.

Haya ndiyo baadhi ya mafundisho yao ambayo yanapinga Maandiko Matakatiifu. Kwa hiyo tutachunguza kila jambo hapa na kuangalia Biblia inasemaje.

I. Wanafundisha kwamba Agano la Kale, Amri Kumi na Torati ni sheria tatu tofauti. Kwa hiyo wanadai Yesu alifuta Agano la Kale na Torati lakini Amri Kumi zitadumu milele kwa watu wote. Lakini kwenye maandiko Mungu aliona tofauti kati ya Agano la Kale, Amri Kumi na Torati? Je Mungu aliona tofauti kati ya “Sheria ya Musa” na “Sheria ya Mungu”? Kwa sababu Wasabato wanasema Agano la Kale na Torati ni “Sheria ya Musa” na Yesu aliondoa zile sheria. Lakini wanaendelea kudai kwamba Amri Kumi ni “Sheria ya Mungu” kwa hiyo sheria zile hazikutolewa na Yesu.

A. Ezra 7:6, “Huyo Ezra akakwea kutoka Babeli; naye alikuwa mwandishi mwepesi katika sheria ya _____, aliyokuwa ameitoa _____, _____ wa _____.”

1. Kwa hiyo sheria ya Musa ilikuwa sheria ya nani tena?

2. Nani ametoa sheria ya Musa? _____
 3. Kwa hiyo tunaona kwa urahisi kwamba Ezra nabii wa Mungu ambaye alichaguliwa na Mungu kwa kufanya kazi ya marejesho alisema sheria ya Musa ilitolewa na Bwana Mungu. Tuamini nani? Ezra au wasabato ambao wameshatudanganya sisi mara nyingi kuhusu kuja kwake mara ya pili?
- B. Nehemia 8:1, 8, “Na watu wote wakakusanyika kama mtu mmoja katika uwanja uliokuwa mbele ya lango la maji; wakamwambia Ezra, mwandishi, akilete kitabu cha _____ ya _____, _____ alivyowaamuru Israeli.....Nao wakasoma katika _____, katika _____ ya _____, kwa sauti ya kusikilika.”
1. Waliomba Ezra asome nini? _____
 2. Na kile kitabu kilitoka kwa nani? _____
 3. Na wakaanza kusoma kitabu kile tena kiliitwa _____ ya _____.
 4. Kwa hiyo torati ya Musa na torati ya Mungu ilikuwa kitu kimoja!!!! Sio torati mbili tofauti.
 5. Wasabato wanapenda kushika mambo ya kale basi washike hapa, Neh. 8:1, 8.
- C. Je! Mungu alifuta sheria ya Musa na torati lakini aliaacha sheria zile ziliandikwa katika mawe (amri kumi)? Ndivyo wanafundisha Wasabato leo.
1. 2 Cor. 3:3, 6-7, “Mnadhahirishwa kwamba mmekuwa barua ya Kristo tuliyoikatibu, iliyoandikwa si kwa wino, bali kwa Roho wa Mungu aiye hai; **si katika vibao vya mawe**.....Naye ndiye aliyetutosheleza kuwa wahudumu wa _____; si wa andiko, bali wa roho, kwa maana andiko huu, bali roho huhuisha. Basi, ikiwa huduma ya _____ iliyoandikwa na kuchorwa katika _____ (Amri Kumi au sheria ya Musa na sheria ya Mungu).”
 - a. Kama sisi tunataka kujua kama sisi ni barua nzuri ya Kristo tusipima kupitia _____.
 - b. Na huduma ya MAUTI iliyoandikwa na kuchora wapi? _____
 - c. Kwa hiyo Amri Kumi zinaleta nini? _____

Hitimisho:

Tutamaliza mazungumzo juu ya Wasabato juma lijao. Lakini tumeona tayari kwamba Madhehebu ya Sabato yaliaanzisha uongo wa waazilishi wao. Kwa sababu Yesu hakufika siku zilizopangwa na wakubwa wao. Tena wanadai Sheria ya Musa na Sheria ya Mungu ni tofauti, lakini Wayahudi wa Agano La Kale waliona ni kitu kimoja. Hata manabii Ezra na Nehemia ambao waliongozwa na Roho Mtakatifu walidai Sheria ya Musa na ya Mungu ni kitu kimoja. Tena Wasabato wanadai kwamba Yesu amefuta Sheria ya Musa tu na sio Amri Kumi. Sasa kwa nini wanakataa kula nyama ya nguruwe siku hizi. Ni wapi kwenye amri kumi zilikataza wasile nyama ya ngurure? Musa alikataza katika torati, katika mwandishi wake. Sasa hawa Wasabato hawashiki

mafundisho yao!! Kama wanaamini Yesu alifuta sheria ya Musa kwa nini wasile nyama ya nguruwe?

Lakini kupitia somo la leo tumeona kwamba Madhehebu ya Sabato hayawezi kuwa Kanisa lililojengwa na Yesu. Kwanza lile dhehebu lilianza katika mwaka wa 1800 na kitu. Yesu alijenga Kanisa lake katika karne ya kwanza. Tena Yesu ameondoa maandishi yao agano la kale, vile vipande viwili vya mawe vinaleta mauti, na torati (2 Kor. 3 na Rum. 7:1-7). Kwa hiyo Kanisa la Yesu linafuata maagizo ya Yesu na Amri za Yesu na wataacha mambo yote ya kimwili. Asanteni.